



Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

Ista quae sequuntur, quoniam in alijs exemplaribus reperta sunt, non
quasi desiderata, sed alia quadam ratione conscripta, idcirco non
incommodum visum est, hoc loco ponere, Eandem historiam ...

urn:nbn:de:hbz:466:1-12704

agente post se relicto, moritur, Bassus, & Philippo Coss. Calend. Maij. Anno secundo ducentesimæ nonagesimæ septimæ Olympiadis. Regnauit vñā cum patre Theodosio annos tredecim: Et cum trigesimum primum ætatis annum compleuisset post mortem patris, quatuordecim annos regnauit. Liber continet spa cium duodecim annorum, & sex mensium.

Finis Sexti libri.

Ista quæ sequuntur, quoniam in alijs exemplaribus reperta sunt, non quasi desiderata, sed alia quadam ratione conscripta, idcirco non incommodum visum est, hoc loco ponere. Eandem historiam continent, quæ de Ioannis itinere Ephesum ad Heraclidem designandum Episcopum suscepto, supra decimo capite perscripta est.

In terea temporis cum Episcopus Ephesi fortè è vita miserasset, Ioannes Ephesum ad Episcopum ordinandum necessariò profectus est. Qui cum illo aduenerat, & alij alium ad Episcopatus dignitatem efferre laborabant, Heraclidem Diaconū suum genere Cyprium, Episcopum designauit. Hac de causa cum Ephesi seditio oriretur, propterea quod Heraclides indignus Episcopatu habitus fuit, Ioannes necessitate adductus, ibi diu commoratus est. Itaque dum illic moram faceret, Seuerianus Constantiopolis auditorum animos maiore benevolentia sibi devinxit. Quæ res Ioanni minimè obscura & incognita fuit. Quippe à Serapione, quem summo amore complectebatur, & cui totam curam episcopatus procurandi, tum quodpius & omnino fidelis erat, tum quod sobrius in primis, & in partibus Episcopi tuendis diligens & perstudiosus.

SOCRAT. HISTOR.

Proinde Ioannes non diu post redit Constantinopolim: & ecclesiarum administrationem, sicut eius officium postulabat, denuò capessit. Inter Serapionem Diaconum, & Episcopum Seuerianum magna intercessit æmulatio, dum ille huic propterea aduersari cœpit, quòd ei erat in animo omnem in concionando laudem Ioanni penitus præripere. Hic contrà illi inuidere, quòd apud Ioannem in maxima gratia erat, totaque prouincia Episcopatus administrandi ei concredita. Dum ita animis, alter aduersus alterum, affecti erant, odij flamma forte fortuna multo magis exardescere cœpit. Causa autem eiusmodi fuit. Cum Seuerianus quodam tempore ad locum, vbi Serapion erat, accederet, Serapion honorem Episcopo debitum minimè illi impertiit, neque ei assurrexit: siue quòd illum non videbat, yti postea in concilio Episcoporum cum iureiurando affirmauit, siue quòd Episcopi presentiam parui estimabat, sicut Seuerianus afferuit, non equidem habeo dicere: Deus solus viderit. Tum Seuerianus, cum Serapionis contemptum ferre non posset, eum antequam causa in concilio disceptata cognitaque erat, condemnat: & non modo dignitate diaconi abdicat, verum etiam expellit ecclesia. De qua re Ioannes certior factus, iniquo animo passus est. Ac cum causa post in concilio disceptaretur, & se purgaret Serapion, testibusque adductis probaret se Seuerianum non vidisse, Concilium Episcoporum illi condonauit, orauitque Seuerianum ut Serapionis purgationem admitteret. Quinetiam Ioannes Episcopus, quo Seueriano cumulate esset satisfactum, quamuis in omnibus negotiis administrandis Serapione, vtpote ad respondendum de rebus ecclesiasticis acutissimo diligentissimoque tanquam manu dextera vteretur, illum ad septimanam tum ab se segregat, tum honore priuat diaconi. At Seuerianus ne hoc quidem contentus acquieuit, sed omnes vias persecutus est, quibus Serapion non solum diaconatu penitus abdicaretur, verum etiam communione omnino excluderetur. His rebus Ioannes vehementer commotus, surrexit: ac iam è Concilio discessurus, relicturusque cæteris episcopis, qui aderant, causæ diiudicationem, dixit: quod vobis visum fuerit, causa disceptata iudicioque discussa,

pro

pro arbitratu decidite. Ego enim inter eos decernere prorsus recuso. Quæ cum dixisset, decessit, totumq; concilium similiter afflurgens, causam eo loco reliquit, Seuerianumq; grauißime incusauit, quod verbis Ioannis Episcopi non cessit. De cætero autem Ioannes Seuerianum ad colloquium non admisit, sed in patriam reuerti iussit, sic illum allocutus: Non est consentaneum, Seueriane, vt tanto temporis spatio, administrationi ecclesiæ, quæ est tibi concredita, minimè prospectum sit, & Episcopo suo careat. Quapropter abito properè, ecclesiam tuam capessito, illudque Dei donum, quod in te est, nolito negligere. Illo iam in iter ingresso, Eudoxia Augusta certior facta, Ioannem vehementer accusat. Seuerianum Chalcedone, vrbe Bythiniæ celeriter accersendum curat. Ille quām primum reuertitur. Ioannes ab eius amicitia sic animum suum alienauit, vt nullius rogatu in gratiam cum eo reduci posset, quoad Imperatrix Eudoxia in ecclesia, quæ Apostolorum nomine nuncupata est, filium suum Theodosium iu niorem, qui tum valde tenera ætate fuit, ad pedes Ioannis abiecisset: quæ ita illum obtestata, vix adducere potuit, vt Seueriani amicitiam amplexaretur. Verùm tametsi hoc pacto & quæ sequuntur.